

青铜故里文明聚，雅士高歌盛世音。

徐泽民

一剪梅·梁子湖老牛

皮皱毛疏骨尚坚。岁岁耕田，日日迎鞭。无言无悔蹈泥澜。风里艰难，雨里蹒跚。稻谷金黄粒粒圆。获了丰年，乐了苍颜。不求富贵不高攀。湖草肥鲜，稻草香甜。

纪建枝

学诗

骚坛烂漫百花红，二载春秋格律功。冷雨寒窗无悔日，长天雨夜有孤灯。回眸泼墨涂鸦事，放眼浮槎探海程。铁板铜琶杨柳岸，中州吹遍宋唐风。

胡文明

水调歌头·西湖赏月

锦绣江南地，快意去钱塘。长天万里空碧，玉兔现东方。灿烂婵娟素月，皎皎冰清玉洁，羞欲话衷肠。隐约广寒内，袅袅溢笙簧。柳如梦，光若幻，任徜徉。鳞波滟滟，彩舟潭影水中央。楼阁霓虹妆扮，湖畔烟霞璀璨，风送桂花香。楼外楼中坐，联句伴流畅。

念奴娇·登嘉峪关

高登嘉峪，独凭吊，千古遗留城阙。飒飒金风沙漠里，黯黯胡杨摇曳。莽莽祁连，巍巍黑石，对峙为城堞。楼兰胡骑，逡巡难把关越。遥忆多少英雄，尽随沙砾去，烟消灰灭。略地攻城尸遍野，不见铭文碑碣。浊酒胡歌，

茫茫风雪夜，马琴声咽。长天无际，一声鸿雁凄绝。

孔繁秋

太白墓前寄思

龙山腰畔万年松，近傍长眠一醉翁。斗酒百篇豪气溢，桃潭千尺挚情浓。河山低诉玉阶怨，沧海横流朗月行。落墨如龙惊玉宇，余音韵味绕苍穹。

田赐良

登祝融峰有感

昨夜清风卷雨回，碧空净洗镜徐开。东来浩气凝衡岳，西落繁星降楚材。水涨湘江思大禹，云蒸红日望瀛台。霞光普照神州地，圣手丹青任剪裁。

观赏京剧票友演唱有感

星灿风柔夜色明，几家欢乐入琴声。丝弦催熟花中蕊，锣鼓招来陌上莺。彩袖飘香莲影动，锦笙吐玉舞衣轻。门前流水天边月，竟夕无言也动情。

管鑫元

雷锋

矢志平生钻马列，全心全意为人民。螺丝钉小精神在，培育神州烂漫春。

何朝敬

小麦

风刀霜剑荒郊卧，冰雪掩埋心自安。喜得三春甘露饮，满堂儿女报人间。